

鹽

政

志

鹽政志卷之八

評論

朱廷立曰。志評論何爲也。集善者也。衆善集而法無留良焉。若曰我之言是矣。人之言何爲焉。執也甚矣。人之言善矣。而曰非我出焉。薄也甚矣。志評論

宋李泰伯論通商

先王之制。未有始善而終不弊者。蓋作法之時。

上心切至。吏皆圖功。人皆畏法。而姦謀未  
生。胡不善累世之後。事同凡常。吏或懈弛。  
人或慣習。而姦謀日生。胡不弊彼官。初糶  
鹽時。操其贏甚厚。而郡國鹽積常不足。今  
以數萬家之衆。食數十戶之鹽。一銖一兩。  
且不可與官爲市。必取於斯人之徒。其勢  
必雜以糞土。是以公鹽貴而汙私鹽賤。而  
潔。以此利輸於姦。而官糶益少。鹽益滯矣。  
然令非緩法。非輕也。但利之所誘。雖曰刑  
人。弗能禁也。故今日之宜。莫如通商。商通  
則公利不減。而鹽無滯矣。何謂公利不減。  
夫官自糶鹽。利信厚矣。然舟有壞。倉有墮。  
官有俸。卒有糧。費已多矣。若官鬻鹽。而糶  
與商人。使自行之。旣推其息。因取關市之  
稅。而費省焉。是公利不減也。何謂鹽無滯。  
夫商人衆。而務售。則鹽不穀。雜所至之地。

又以貫于市人則列肆多得斥責賣者多而務售則鹽亦不殺雜昔啖堇土者今皆食鹽昔喜竊販者今皆公行鹽之用益廣是以無滯矣。如此則財用足而刑罰清治世之懿也。或曰官鬻鹽而糶與商人。有息焉。有稅焉。息寡而稅薄則公利損。息多而稅厚則商不來。何如。曰。不若寡薄之爲愈也。寡薄則何以使公利不損。曰。東南和糶幾二百萬。轉漕之費。不爲不多。今糶鹽與商。以米摧折。則數百萬斛。可坐致淮海。是於公利。豈少也哉。易曰。通其變。使民不倦。其斯之謂歟。

**見所江集**

蘇軾論權京東河北

頃者三司使章惇建言。乞權河北京東鹽。

朝廷遣使按視。召周革入覲。已有成議。惇之言曰。河北陝西皆爲邊防。而河北獨不

權鹽。此祖宗一時之誤恩也。蘇軾以爲陝西之鹽與京東河北解池廣袤不過數十里。旣不可捐以予民。而官易以籠取。青鹽至自虜中。有可禁止之道。然猶法存而實不行。城門之外。公食青鹽。今東北循海皆鹽也。其欲籠而取之。正與淮南兩浙無異。軾在於杭時。見兩浙之民。以私鹽得罪者。一歲而萬七千人。莫能止。姦民以兵杖護送吏士。不敢近者。常以數百人爲輩。特不爲盜。故上下通知。而不以聞耳。東北之人。悍於淮浙遠甚。平居權剽之姦。常甲於他路。一旦權鹽。則其禍未易以一二數也。由此觀之。祖宗以來。獨不權河北鹽者。正事之適宜耳。何名爲誤哉。且權鹽雖有故事。然要以爲非王政也。陝西淮浙旣未能罷。又欲使京東河北隨之。此猶患風痺人曰。

吾左臂旣折矣。右臂何爲獨完。則以酒色  
伐之可乎。今議者曰。吾之法。與淮浙不同。  
淮浙之民。所以不免於私販。而竈戶所以  
不蒙於私賣者。以官之買價賤。而賣價貴  
耳。今吾賤買而賤賣者。借而每斤。官以一  
錢得之。則以四錢出之。鹽商私買於竈戶。  
利其賤耳。賤不能減三錢。竈戶均得爲三  
錢也。寧以予官乎。將以予私商而犯法乎。  
此必不犯之道也。此無異於兒童之見。東  
海皆鹽也。苟民力之所及。未有捨而不煎  
煎而不賣者也。而近歲官錢常若窘迫。遇  
其急時。百用廣生。以有限之錢。買無窮之  
鹽。竈戶有朝夕薪米之憂。而官錢期月之  
後。則其利必歸於私犯無疑也。食之於鹽。  
非若饑之於穀也。五穀之乏。至於節口并  
日。而况鹽乎。故私犯法重。而官鹽貴。則民

之貧而懦者或不食鹽。往在浙中。見山谷之人。有數月食無鹽者。今將權之。東北之俗。必不如往日之嗜鹹也。而望課之不虧。疎矣。且淮浙官鹽本輕而利重。雖有積滯。官未病也。今以三錢爲本。一錢爲利。自祿吏購資修築。教庾之外。已獲無幾矣。一有積滯不行。官之所喪。可勝計哉。失民而得財。明者不爲。况民財兩失者乎。且禍莫大於作始。作俑之漸。至於用人。今兩路未鹽禁也。故變之難。遣使會議。經年而未果。自古作事欲速而不敢取衆議。未有如今日者也。見案

### 曾鞏論鹽法

曰。太祖知百姓苦五代之政。欲與之休息。故詔書屢下。弛

鹽禁於河北。定鹽價於海瀕。未嘗不去其煩苛。與百姓更始焉。斯民始得更生於火

火之中。當是之時。靡敝少而用約也。奈何自是以來。兵簿既衆。費用益滋。錮利之法。始急。於是言鹽課。則劉熙古。變鹽令。則楊允恭。各騁其意。而助之者。駸廣山海之筭。古禁之。尚疏者。皆密焉。**見元豐類稿**

### 呂祖謙論鹽法

曰。三代鹽雖入貢。未嘗有禁。自管仲相桓公。始創鹽

利。漢孔僅桑弘羊祖之。鹽始禁榷。至昭帝召賢良文學論民疾苦。請罷之。弘羊反覆論難。鹽榷終不能廢。元帝固嘗罷之。卒以用度不足。復建。後雖法有寬急。然與古今相為終始。以故知天下利源不可開。一開不可復塞耳。且禁榷之利。惟海與解鹽。最資國用。并鹽自贍一方。於大農之國計。不與焉。本朝海鹽其初鈔未行。惟建安軍置



鹽倉乃令真州發運時李沆為真州發運使運米轉入其倉空船回皆載鹽散於江浙湖廣諸路各得鹽資船運而民力寬此南方之鹽為利廣官得其人則其害少至于解朝廷專置使以領之而契丹西夏之鹽常相參雜以奪其利蓋解鹽之味不及西夏價值西北為賤所以沿邊多盜販二國之鹽以至國家常措置關防西夏常護視入中國界自漢以來海鹽井鹽煎熬而成必資人力解鹽如耕種疏為畦壟決水灌其間南風起鹽遂結成如南風不起則課利遂失此解鹽全資於天而人不與也兩浙之鹽徽宗時多有變更自蔡京秉政廢轉般倉之法使商賈入納於官自此為鈔鹽請鈔於京師商賈運於四方有長引短引限以時日各適所適之地遠近為差

專利罔民。間數十日一變。法旣變。則鈔鹽不可行。商賈納錢之後。鈔皆不用。所以商賈折閱甚多。此海鹽之一變也。解鹽緣微潮初。雨水不常。圍塹不密。守者護視不固。爲外水參雜。不復成鹽。此所以數年大失課利。其後大興徭役。車出外水。漸可甫復。此解鹽之一變也。夫天下之鹽固皆禁權。惟河北之鹽。自安史之亂。緣藩鎮據有。宋因而定稅。法無禁權。仁宗時。議者欲禁權。仁宗不許。神宗時。荆公章惇亦欲禁權。而神宗亦不許。後惇爲相。始行之。犯刑禁者甚多。盜賊羣起。噫。此河北之鹽。所以不可禁權也。然而欲復三代固已弗得。就後世不得已。彼善於此論之。取計山澤。不猶勝取之於民乎。况所謂興販煎鹽者。皆非地著之人。因而取之。以寬力本之民。但取之。

為不盡其利則可。若迫而取之。必有官刑。是之謂見小失大。故鹽法所以不行。見呂

東萊文集

劉達可論權宜經久

夫通川墮甑。海陵弃珠。鱉竈無煙。鹵池染

血。正鹽之利絕。于時營門之葱韭味寒。闌之鹽梅氣淡。發公私之嘆。猶不忍利源之開。吾恐日乏千金。人添菜色。一時之急。何以紓之。此蓋不得不為權宜之計也。朝波黑誌。循水彈員。近給江南。遠通吳越。浮鹽之利。乏于時。粟南之熬。素霜乾。梅外之關津。路斥為通融之計。猶欲為諸道之濟。吾恐天產不貲。河潤難及。一方之利。安能給之。此又不可不思經久之謀也。

論征權宜寬

論事而及於利難言也抑於精密之中不失正大之意庶

為得之嗟乎利生於彼此之相形得此則失彼厚此則薄彼此有餘則彼不足捐天下之利盡以予民租賦無所求征權無所取夫豈不可然而務道也國家之費浩瀚龐博舍是何以濟之今以幹旋運轉不遺絲髮斟酌劑量細入毫芒其法至精而至密也或者僅以私意小智規乎其法本明白而簡易或流而為深晦詭秘其本通達而逕直或轉而為詭譎微俻是故彼此交病而正大之意失矣

論鍋戶浮鹽之弊

國家煮海之利淮東為最孝宗乾道間邊陲晏

清亭戶阜繁藏額以袋計者六十五萬有奇舉浙江兩路僅三分之一然而始壞於

湖海之變再廢於道衆之剛比年興復視昔愈艱何哉昔者鍋戶少今則蔓延諸場緣理宗紹定初江淮大司招誘鍋戶收買淨鹽始自鹽城後遍海隅惡少無根著者皆爭趨之由是鍋戶與亭戶對立淨鹽與正鹽並行私販之徒水陸以千萬計挾持兵器聲勢喧闐巡尉兵校不敢誰何一遇風塵之警嘯聚成黨何止侵奪國課而已耶

論弛權禁

鹽始在民則民利中在國則國利後在官吏則民既窮國亦匱

矣有司君子尚其念之亦胡不觀諸本朝之故事乎且國家強不如漢富不如唐縱有六經費常川之外一毫不取於民改河徙鹽令除於開寶福建鹽禁除於興國去

昌州之虛額。罷廣南之權賣。至於四川鹽戶之令。鹽本之制。則皆免之。而虛額亦盡蠲焉。凡可以利民者。一切不靳。祖宗惠養生民之政。真天地父母之心也。孰謂良法美意可行於疇昔。曾不可行於今日也耶。

# 論廣鹽不可權淮鹽不可棄

祖宗時解安猶有池。今爲

盜區。川陝猶有井。今爲敵境。所恃者惟淮而淮之鹽。今又蕩爲腥血之場。嗟夫。國家三百年生聚之民。飲食者在此。蓄養士卒俸給者在此。軍需和糴亦並賴焉。一旦盡棄之敵。無一人能爲國家辦。而乃仰給於一隅之廣。其何以爲經久之謀乎。今欲紓目前之急。固宜倣慶曆之論。以通江湖之販。尤不可不思淮海之鬻。不可捐以與人。

固宜置天禧之亭戶以折廣南之賦尤不可不念南渡國計惟此是賴能置官以權廣場豈不能經理海陵之舊治能建議以通廣販豈不能修復通川之故基是特在乎區處何如耳

論吏道清鹽課辨

嘗謂爲今之計無他亦惟在於士夫之間相與

勸勉而已移爲已之心以爲民轉爲家之念以爲國當如范仲淹之議弛其禁毋如王拱辰之請權當如張奎之奏除其禁毋如張象中之增羨餘夫如是則可以寬民力紓國計一舉而兩得之不然則作法於涼其弊猶貪作法於貪弊將若何之人也又在桑孔諸人之下

以聖俱見會元衍問

# 陳傅良論鹽法

曰國初鹽筴只聽州縣給賣歲以所入課利申省而

轉運司操其贏以佐一路之費初未有客鈔也。雍熙二年三月令河東北商人如要折博茶鹽令所在納銀赴京請領交引蓋邊郡入納筭請始見于此。端拱二年十月置折中倉令商人入中斛斗給茶鹽鈔蓋在京入中斛斗筭請始見於此。天聖七年令商人於在京榷貨務入納錢銀筭請末鹽蓋在京入納見錢筭請始見於此。而解鹽筭請始。天聖八年福建廣東鹽筭請始。景祐二年京師歲入見錢至二百二十萬諸路斛斗至十萬石。祖宗之意慮客鈔行而州縣之鹽不足則爲之限制熙豐新法增長鹽價於是河北復官鹽而廣鹽亦通入江湖置便糴司以所封椿諸路增剩鹽



利錢充糴本。元祐裁損剩數。且罷封樁三年。今任公裕裁定增損九路鹽價。未幾復新法。紹聖三年。江湖淮浙六路通筭鈔引錢充足。元祐八年。年額外有增收到五分入朝廷封樁五分轉運司。元符元年。九月。今福建准此。崇寧元年。二月。勅鹽鈔每一百貫於在京入納九十五貫。於請鹽處納充鹽本。其紹聖三年五分指揮不行。自二年十二月行法。至三年十一月。在京已給一千二百餘萬貫。遂盡罷諸路官。以鹽鈔每一百貫撥一貫與轉運司。於是東南官賣與西北折博之利盡歸京師。而州縣之橫歛起矣。

**見通考**

**論比較鹽課**

曰。太平興國以後。雖有比較歲入增虧酬獎之法。而累弊

多不果行。至景德以後，且命諸鹽場監收課出剩，不得理爲勞績。嘉祐赦文，又申嚴希求恩賞，苛阻商旅之禁。至熙寧五年，始令逐年轉運司每歲比較州縣鹽課最多最少者，兩處開坐增虧，及知通令尉名銜聞奏，當行賞罰。合黜者，不以去赦降原減。

**見通考**

### 黃履翁論鹽法之弊

夫鹽者民之日用，不可闕。大農國計之所

仰。惟淮海解池最資國用。蜀井自贍一方。河北之鹵素無禁約。國朝准鈔未行，置倉建康、江浙、湖廣，以船運米而入真州，因船回鹽而散江浙湖廣。此之發鹽得船爲便。彼之回船得鹽爲利。國不匱而民亦足，費省而利饒，此李沆之良法也。自蔡京秉政，

轉般法壞。始則俾商買入納於官而爲鈔法。以遠近爲差。終則俾商買已納其錢鈔。復不用而折閱益甚。此海鹽之法壞於蔡京之手。國初解鹽通商。陝京爲便。商以納錢之鈔輸貨務官。以給鹽之鈔在解池。公家無輦運之勞。民用無泥沙之雜。契丹以鹽奪課。則防之。西夏以鹽入界。則禁之。公私通融。君民便利。此盛度之良謀也。自蔡京解之鹽法盡廢。而滄之鹽價復踊。西北之鹽鈔多剩。而權務之錢鈔復阻。况以雨水不常。地脉消耗。此解鹽之法復廢於蔡京。祖宗以庸蜀僻遠。恩澤無及。貢入常多。故不忍以鹽之利而重困之。邛州一旦減鹽井之課。至一百萬。此王堯臣力言蜀井之不可權也。夫何王宗望小人。以商賈之利而損國家之體。庸蜀之鹽始權矣。祖宗

以河北。自安史之亂。藩臣竊有其利。因而以鹽定稅。固無再榷。加以河北鹵池彌望。非如蜀井解池。立牆塹以封守。熬波卽成。非如南方瀕海。待煎烹而易察。此張方平痛論河北不可榷也。夫何子厚姦臣以箕歛之法。而爲固寵之計。河北之鹽始再榷矣。此國朝鹽法沿革之大略也。愚嘗因是而思之。天下不可一日無儒者之論也。何者。君子之爲國計。爲公而不爲私。小人之爲國計。言利而不顧義。自公私不兩立。義利不相合。而天下之正論廢矣。齊之鹽筴不行於太公之時。而行於管仲。圖伯之日。漢之鹽權。願罷於賢良文學之口。而力行於桑弘小人之說。此猶可也。國朝淮鹽之法。李沆以公行之而便。蔡京以私行之而病。解鹽之法。盛度以義行之而利。蔡京以

利行之而弊庸蜀之鹽王堯臣不之權而王宗望權之河北之鹽張方平不之權而章子厚權之君子小人其柄鑿也如此彼小人者不過以規利爲遠謀以富國爲大功而國家之重計生民之大業彼何知焉古今之所以爲民禍者未有不由小人之誤國信矣夫天下不可一日無儒者之論也

**魏源流**

**葉時論先王山澤之禁**

昔晏子謂齊侯曰海之鹽所望守之

縣鄙之人入從其征逼介之關暴征其私是以民人苦疾夫婦皆詛晏子之爲是言也是知山澤之利先王未嘗不與民共之也晉人謀去故絳諸大夫皆曰必居郇瑕氏之地沃饒而近鹽韓獻子獨不可曰山澤林鹽國之寶也國饒則民驕佚近寶公

室乃貧。獻子之爲是言也。是知山澤之利。先王以來。未嘗禁民自取之也。是故古之名山大澤。不以封諸侯。而九州山川澤藪之名。皆職方氏之所掌。至於山林川澤之利害。有可與侯國共者。則命山師川師辨其名。而頒之。使致其珍異之貢而已。夫不封以山澤之大者。將以弭諸侯之侈心。而謹天子之守地也。必頒以山澤之利者。將以示諸侯之侈心。而均天下之利源也。大抵山林川澤。民之所取。財用利至博也。不公其財。則是山海天藏。而爲一人之私有。是與民爭利也。不爲之禁。則是山澤國家之寶。而聽百姓之自取。是縱民趨利也。是以太宰以九職供萬民。澤虞則掌國澤。而爲厲禁。川衡則掌巡川澤之禁令。以時執犯禁者。而誅罰之。無不以時而徵其物也。

此之謂禁民趨利。蓋古者鄉遂之民皆爲農。農皆受田。田皆出賦。惟知有田之可業。不知有利之可趨。獨爲山澤之民。不專資田畝之業。以爲生。往往資山澤之利。以爲業。利多而民必競。末重而農必輕。故先王旣許之以共財。而必禁之。使不致於趨利以逐末。二者並行而不相悖。此所以無曠土游民也。自齊桓公問管仲。何以爲國。而管仲對以惟管山海爲可耳。於是鹽筴之利。始爲侯國之私。而先王與民共財之意。失矣。此山澤之一變也。漢人以租稅共奉養。歸之少府。若私之也。然賦雖居上。利猶在民。至吳王國處東南。得以招集亡命。鑄山鬻海。以富其國。遂至叛逆。而先王禁民趨利之意。失矣。此山澤之再變也。迨夫鬻鹽大治。如孔僅、咸陽者出。乃盡取天下郡

縣鹽鐵之利。幹歸公上。一孔不遺。於是山澤之賦皆變而為權利矣。此山澤之三變也。自時厥後。邦計惟鹽鐵之是資。國命惟鹽鐵之是議。吁。周人山澤之賦。果有所謂鹽鐵者乎。

### 通論鹽政

周鹽人則以奄二人為之掌其政令。待其戒令。自祭祀賓客膳

羞之外。更不聞以一毫取民。是其利則常在民而不在官也。上之人特資鹽以共三者之用。而不規其利之可以富國。下之人亦惟資鹽以共飲食之用。而不牟其利之可以富家。自後世以鹽政富強。而權利之禁始興。世儒乃謂先王山澤亦必有厲禁。以遏民趨利之原。不思虞衡等官。因設厲禁。以為之守。初未嘗私其利於公上。而亦



何嘗有一語及鹽乎。故謂壞天下之風俗者。管仲也。啓公上權禁者。倚頤也。嚳人主之心術者。鄭當時也。齊桓問管仲何以爲國。而仲告以海王之國。謹正鹽筴。舉先王公共之用。而爲後世自私之具。管仲者。作俑之尤也。伯主旣資鹽利以富其國。則民之趨利日熾矣。豈非壞天下之風俗乎。魯人有倚頤者。用鹽起家。致富與王者埒。取天下通行之利。而爲私家擅有之。財倚頤者。龍斷之賤也。豪民且專鹽利以富其家。則上之征利亦無恠也。豈非啓公上之權禁乎。權鹽固無恠也。鄭當時何人。乃逢武帝之欲。推轂齊之大鬻鹽者。用事漢朝。而權鹽之法始密。鄭當時者。其進賊之臣乎。人主心術自此蠹矣。寧不謂之鄭當時之罪歟。且以成周之鹽政。鹽人一官掌之。不

過奄宦女奴而已。至漢大司農屬官有幹官。有兩長丞。有水衡都尉。有均輸官。皆主鹽事。以至郡國鹽官有三十九。鴈門沃陽有長丞。其法既密。則其官必繁也。嗚乎。周以鹽用而共邦事。自賓祭膳羞之外。則不敢以一毫取于民。漢以鹽利而共邦財。自公上榷禁之外。則不肯以一孔遺之民。自漢至唐。法日密矣。儒者不排其非。而反取成周山澤之禁。以佐其說。豈不惑哉。

**以上集賢堂會元**

**葉適散鹽本錢論罷華亭分司**

前者往嘉興府散還

亭戶鹽本錢。凡海角一一親到。得訪問亭場竈數。無減而鹽課折陷。弊在華亭分司。苦楚推剝。致亭戶逃亡故耳。請以親所見聞之。實言之。亭戶本與官爲市。有買而後

有納自置分司亭戶一到請不需常例錢者。案局聞二十有二。細民無一敢嚮。惟上戶名統催者領之。支應需索之餘。所存無幾。往往又以欠額。抑令八十貫。折納鹽一斛。謂錢亭戶往往徒手而歸。不知本司嘗許其然否乎。是買鹽不以本錢。惟事抑納。使亭戶逃亡。而鹽課折陷者。分司也。上戶與下戶均爲齊民。彼所自有者。本亦一竈耳。官司以其事。力材智。使之督辦。謂之統催。亦必勸以恩禮。然後徇以法制。人情所在。始有樂爲之用者。近者分司吏卒。視爲奇貨。而漁獵之。係累其妻妾。破壞其家產。甚至有訊腿。荆五十。而一荆取杖錢五貫者。是一訊之頃。爲費已二百五十千。他可類推矣。近見浦東場等處。堂宇毀折垂盡。問之輜夫。僉謂此皆舊日富家上戶。苦於

追捕今雖麥粥亦多不給不知本司嘗苦  
之至此否乎是斷喪根本使亭戶逃亡而  
鹽課折陷者分司也細民之苦莫亭戶爲  
劇夏日酷烈人所必避獨亭戶反乾之以  
爲涼蓋煎鹽竈舍人氣熾盛一出青天白  
日之下卽清涼也冬寒雨雪官司優恤皆  
散錢米獨亭戶反囚之而重罪蓋鬻海爲  
鹽全藉晴日一至沍寒必缺額也推此以  
往良苦可知是必優恤俾其樂業乃可得  
鹽况所經歷數百里無禾黍菜蔬不知人  
世生聚之樂其苦尤宜痛恤分司斷杖半  
歲之間死於非命者七人不知本司嘗罪  
之至此否乎是待民惟事非法使亭戶逃  
亡而鹽課折陷者分司也本司半月一比  
較分司五日一比較牌匣之費過八百千  
五日一差獄子帶家人數輩取亭戶每場

七八百千。或至千貫。又自書數十引。逼場官僉押追捕。鎖縛婦女取錢。更迭搔擾。皆分司爲之也。曰。補鹽曆五日一批七十千。曰。巡鹽曆亦五日一批七十千。常程之費如此。外非泛橫出。加以罪名。有費至萬貫者。蓋無一不出於亭戶。此其使亭戶逃亡。而鹽課折陷。皆分司爲之。亦既太甚矣。况復以亭戶之所納。分司反從而折陷之者。其事有二。又非本司之所及知也。蓋分司卽本司一幹官在外者耳。而體貌幾與本司埒。三司六局排軍授事。無一不備。茶酒至八人。弱吏六十人。又各有其徒名貼司者。二十餘人。獄子十餘人。其徒號親人者。一百五十餘人。自司屬至輜散番通近而五百人。合兩買納官一支鹽官四所在縣。其十餘人。人以十口之家計之。是十萬指。

衣食於亭戶。故雖吏胥之文移。卒徒之虞突。而所得猶不足以飽。所欲遂於納鹽。每斛一石五斗四升之外。增鹽二枚。買納官。支鹽官。及催吏。又各處監臨。詐言斛淺。更互喝令罰枚。枚率近一小斗。此實亭戶之所已納。而官反歸之於私。自折陷之者一也。每斛官給亭戶本錢。價十五貫。今亭戶無鹽折納八十貫。夫鹽出於亭戶者也。亭戶無鹽可納。而納錢矣。官司既取錢於亭戶。將買鹽於何人耶。此不過以多量羨餘。搪抵數目。而錢入官吏之手。使官不拘納此錢。而上戶以錢接濟下民。亦何至無鹽。此則亭戶之所已納。而官自折陷之者二也。增枚納本。皆屬支買場。然不與分司通同。自爲支買。權輕人所易訴。托以分司。則人無敢輕出一語。故曰。亭戶逃亡。而鹽課

折陷皆分司之爲也。某不佞竊謂必欲亭戶之逃亡者復業。鹽課之折陷者復舊。非省罷分司廳不可。乞自使司敷奏朝廷。將晚創華亭茶鹽分司。徑行省罷。校榜未示。豈惟國課之幸。實國脉之幸也。

與孫提舉論散還貼袋鹽錢

竊惟此項原舊係本司

收客鈔。每袋四貫。貼買亭戶鹽二十斤。以潤鹽商。官司既以見錢買鹽。價直又與本錢無異。亭戶誰敢不伏。後乃以此錢令項分付綱梢。支給綱稍。假以牛船盤費。兜收各與。以致官司雖支見錢。亭戶不免白納。含冤欲訴。想非一日。今幸臺監清明。事加優卹。亭戶得以吐氣。遂行執說。勒上使臺。行諸場。照舊例催發。今貼袋錢同元數。鹽

本錢及單攢筭頓還亭戶。庶使綱稍不得  
兜匿。亭戶自然樂輸其餘鹽監。併乞高明  
裁之。

### 與浙司論鹽事

伏蒙俾條具鹽事之目有  
三。曰復祖額。曰卹亭丁。曰

均支發。蓋復祖額。則可瞻國用。而卹亭丁。  
均支發。所以復祖額也。顧適何足以裨末  
議。若以實所見聞而言。則三者之中。願以  
卹亭丁為急。而不必以復祖額為名。夫有  
人此有土。有土此有財。此不易之理也。方  
乾淳時。世無貪官。鹽場官又皆小使臣。為  
之實以本錢。與民交易。無一毫侵擾。時則  
亭戶自謀衣食。鹽日多而祖額未嘗虧。自  
嘉定後。人戶無所償本。鞭撻以強其輸官。  
時則亭民與官司爭衣食。而祖額虧。又其



久也。逃亡大半。存者益苦。而爲官者不訊  
顛末。徒責以吏文。使祖額二字。爲胥吏禍  
民之話柄。今欲救之。但當先卹根本。豈可  
言復祖額哉。嘗竊擬今日卹亭丁之策。有  
六。一曰。發鹽司之積。以招流亡。夫監司所  
積。無非鹽利所餘。今若於積內。撥數十萬  
緡。遣官招其復業者。使葺廬舍。具器用。顧丁  
夫。分文不責其還。則復業者衆。祖額不期  
而自復也。二曰。除出剩之弊。以禁苛取。夫  
鹽本錢。每斤二百。舊會時價。不過十一錢。  
又籬宛二麥二稅。草蕩柴租。諸項內錢。逢  
千剋退一錢。使果盡入亭戶之手。尚不足  
納。倘非其官。則陪納矣。豈可更取贏餘乎。  
況又有消耗。漁折斛面。罰快諸鹽。加倍方  
足完官者。其弊皆始於利出剩耳。若不利  
出剩。而斤得實錢。人必大悅。祖額不期而

自復也。三曰操體統之要以省煩擾。夫官多民擾。此事曉然。今小官分鹽司之權。其勢又不兌引而高之。吏卒之竝緣尤甚。浙西諸場舊各置催煎官。買納官。支鹽官。各一員。而提舉總權於上。其後添兩買納。添分廳。方併省分司。又陞買納爲提督。分提督爲兩檢察。吏卒搔擾民不聊生。今或提舉仍舊。或改創提領分司。許諸場皆得專達。而買納官催督如舊制。則民免橫擾。租額不期而自復也。四曰定散本之法。以覈減剋舊來監官各自散錢。後委官添取常例。今合選清強官單車以往。則所委官既免吏卒常例。場監官民弊亦可絕。又須照數預借。依實納鹽。則民得實錢。租額不期而自復也。五曰擇監臨之官。以善催趁。夫催煎之官。其要在預給工本。趁晴速催。有

雨輒止。奈何。清明此限。陰雨亦此限。所行全不中節。展轉適以肥吏。况權攝類非真官。俸請亦不時給。其志何在。而能爲公平乎。今若選委廉能。許以便宜從事。本司厚加廩祿。按月支俸。則場官得人。祖額不期而自復也。六曰。還產業之舊。以固常心。蓋亭戶產業。不許典賣者。慮其無根著而輕轉徙也。今不特膏腴無餘。而草蕩亦歸豪右。若急曉諭歸還。則民有常產。祖額不期而自復也。昔孫提舉檄諸場官。凡官司欠民戶錢。盡還之。凡民戶欠官司錢。盡蠲之。一特逃戶。爲之復業。雖僅及半年。鹽額近十年之最。使孫提舉終任。或再任。安知祖額之不漸復耶。乾淳盛事。縱未易言。此實近事之明驗。故願以卹亭丁爲急。而未欲以復祖額爲名。若復額名立。必有趣辯於下。

以耗根本者。固不若專卹亭丁。而吏祖額之自復也。至于均支發。則非適所敢輕議。夫浙鹽之比淮鹽。恐多淺河狹港。般剝之費。必多博盡下情。量賜斟酌。使鈔法疏通。則公私幸甚。近年又增拘浙西鈔戶袋戶。不惟無絲盡得。抑且徒費文移。大抵鹽多則鈔多。今鹽無亭留。而苦拘鈔戶。鈔戶若耗。何以善後。然亭丁者。鹽之所從出。鈔戶者。鹽之所從泄。吐納往復。皆利源所關。不可以不察。惟高明裁之。

**集**

# 國朝葉子奇論鹽法

昔元世祖立鹽法。瀕

治。差鹽亭戶。衛南鹽。至十月結場。住煎。及額而止。鹽商於各省市府運司買引。就各處鹽

湯支鹽後鹽積而不售均派戶口收買令其入武縣官收市其中貧富不等皆令入錢史胥並緣為姦民甚苦之嗷然皆言其不便事尋罷復令富商收市管攷歷世鹽法在夏禹時惟止入貢至齊管仲始鬻鹽以富國及漢武始立權法為牢盆之制自是歷代皆踵行之計其利於軍國之資略於其半唐宋及元因之有加無瘳大抵率由養兵多而資費廣故不能革也

**見韓文公**

### 丘濬論解引積滯

濬曰今日禁權之利莫大於鹽其最資國用者

惟末鹽與顆鹽耳末鹽出於海顆鹽出於池惟解有之然海出於人力歲額不定猶可增補解則出於天成歲額或有不足更將取之何所哉是以開中解鹽與海獨

海此不足。則取之於彼。可以通融。轉補。解  
不幸而歲多霖雨。風不自南。則歲課不及  
竊聞近年以來。商賈中納解鹽之數。已輸  
十年歲額。守支待次。或至十數年。一遇兵  
荒。官府有數措置。召商中納。患其折闕。多  
不肯應。爲今之計。下有司通行查算鹽課  
見存者若干。商賈代支者若干。計其所有  
之數。果不足以給其所支。卽令商人據時  
估價。每引若干。官通計之。總該若干。限以  
三年之內。於海鹽存積多餘之處。估以時  
價。以見鹽價之如解。一引三錢。海鹽一引  
六錢。卽以一引當二引。他皆倣此。如此不  
出數年。解鹽有餘積。而  
商賈通利矣。**見衍義補**

朱廷立自警九誠 一曰毋私鹽課戶曹  
事而差御

史一員以監臨之豈非以御史爲執法官使人畏法而莫敢有作惡者耶使御史而私乃心焉是自冒於法矣名器之辱孰大於是

二曰毋惰巡鹽之職事頗繁冗一年之間曾無幾時強力事事猶恐不及而況怠玩不加之意乃不覆公諫哉

三曰毋縱有利之所在人所必趨其在官吏夾帶影射之弊其在竈丁有私煎私販之弊其在巡鹽人役有賣放通同之弊其在豪強有越占多取之弊皆須持法以裁之不可寬縱以滋弊源

四曰毋諾私囑商人知趨干利而罔畏於害其巧於取徑工於媚黷者由來漸矣在我須盡法治之其流自息其有一焉或中其計則黃綠鑽刺之徒羣然而聚其爲鹽法之

蠹不已多乎。故君子與其有諾責也。寧有已怨。五曰。毋越職業。之職。惟理鹽法。隨分用心。則職業自舉。其

他事宜各有守者。不必多涉。以取紛擾。

六曰。毋避小嫌。以妨大計。

御史舉措。人自見之。存心既公。

人自無議。否則千思萬慮。欲為掩藏。而人之見之。如指蒼素。其孰得而掩藏之。故法有不便於商民者。宜為區處。鹽船到所。不必拘其單數多寡。即為委官秤掣。如其四顧畏避。聽其停積而不通。則商困而民亦困矣。七曰。毋事深刻。以

傷大體。

當官須識大體。如鹽政大體所在。主於足邊便民。而中間條理。不過

通商恤竈二者而已。蓋天地生財。自有定數。不在官則在民。司鹽政者。必有體念邊



儲之心。而又不失乎國家藏富於民之意。乃爲得計。若過爲深刻。口與商賈計較於銖兩之利。是國多取於商。商必多取於民。而國之大體反有所傷矣。八曰。毋

泥陳跡以失通變之宜。

立法貴正。行法貴通。若鹽法者。尤不

可執一而論者也。蓋鹽利因時而有增減。行法者當隨時而有損益。鹽價賤則商必困。則爲之停掣以俟其通。鹽價貴則民必困。則爲之勤掣以濟其急。或損或益。要不過使商民兩得其便。乃適通變之宜。若曰舊跡如是也。而我反之不可也。則鹽法窒而不通矣。九曰。毋執已見以昧公平之政。廷立夫人莫善於廣衆見以求是。莫不善於執已見以遂非。求是者日免於非。遂非者日

離於是故一有舉措必集諸司以及商賈人等於庭互相可否務求歸一之論以行公平之政不然則上之情不及於下下之情不達於上一有舉措鮮有得其中者矣

鹽政志卷之八終

鹽政志卷之九

鹽官

朱廷立曰。志鹽官何爲也。慎職守也。鹽官者有理財之責焉。則旣列于冊矣。求其名焉。昭昭可數也。求其賢者與其不賢者焉。昭昭可數也。其得無慎焉已乎。志鹽官

齊管仲

名夷吾。潁上人也。相桓公。以其道伯諸侯。興鹽筴之利。國以富強。

漢東郭咸陽

齊之大鬻鹽武帝元狩元年與孔僅竝為大農丞乘傳舉

行天下

桑弘羊

洛陽人為賈人子武帝元封元年代僅幹天下鹽鐵

唐裴耀卿

字煥之絳州稷山人玄宗開元二十二年為江淮轉運使置輸

場于三門西置鹽倉兼理

鹽政天寶初年卒于官

第五琦

字禹珪京兆長

安人肅宗至德元年為江淮轉運使始變

鹽法置監院亭戶盡榷天下鹽國用以饒

元載

字公輔鳳翔岐山人肅宗時為江淮轉運使兼鹽政與宮中盤結固寵毀

法為通鬻恩為怨大

劉晏

字士安曹州南華人代宗廣德

曆十三年詔賜自盡

晏為江淮轉運使三領鹽鐵繼第五琦榷鹽法今精密課額大增史稱可法五事其

三曰官多民擾。但于出鹽之鄉置官取鹽。戶所驚者。鬻于商人。任其所之。人稱簡要。竟為楊炎所陷。詔賜死。包佶。德宗時。繼晏為江淮轉運使。兼鹽政。處置周悉。

杜佑

字君卿。京兆萬年人。德宗建中元年。為江淮轉運副使。計賦。相民利病。而

上下之議者。稱其治行無缺。

元琇

德宗時。為江淮轉運使。為韓滉劾罷。韋

滉

字大冲。京兆長安人。休之子也。德宗時。為江淮轉運使。性雖苛慘。強肆而能建

立有補。

竇參

字時中。岐州人也。德宗時。為江淮鹽鐵使。素無學術。立事

于時。

惟樹親黨。後貶彬

崔縱

博陵安平人。德宗時。為江淮鹽鐵使。

州別駕。竟賜死。

治從簡易。蠲略細苛。終

程昇

字師舉。京兆長安人。德宗

元載之世。不求聞達。

時由監察御史為楊子院留後。元和十三年。復領鹽鐵。有心計。為李巽所薦。後以進

羨獲寵為相。史稱王詔。京兆萬年人。德宗

唯謹。故免於禍。王詔。興元元年。為江淮

轉運判官。能出家貲。張滂。德宗貞元九年。

賞士。以紓奉天之難。為江淮鹽鐵轉

運使。王緯。字文卿。并州太原人。德宗貞元十

使。年為江淮鹽鐵轉運使。居官以清

白稱。然條例苛。李錡。德宗貞元十五年。為

碎。人多不堪。江淮轉運使。刻剝以

事進奉。又饋結權貴。由是驕縱無所忌憚。

食貨志云。利集于私室。而國用耗屈。鹽法

大壞。多韓自。知德宗時。為楊。潘孟陽。憲宗

為虛估。韓自。知子院留後。新立

詔。馳驛江淮視財賦。李巽。字令叔。趙州贊

加鹽鐵轉運副使。皇人。憲宗元和

元年為江淮轉運副使。自劉晏之後居職者難繼。巽為使一年。征課所入類晏之多。

明年過之。又一年。李鄘字建侯。邕之從孫也。憲宗時為江淮

加一百八十萬緡。轉運使籍府庫餘儲納于朝廷。召入盧坦相。不願拜。竟以太子少傅致仕卒。

字保衡。河南洛陽人。憲宗元和中為江淮轉運使。遇事持正。與李吉甫不相能。出為

東川節度。王播字名別。其先太原人。少客十二年卒。揚州主木蘭院僧舍。穆宗

長慶元年為江淮轉運使。三領鹽鐵。能給財用。月進為羨餘。歲至百萬餘緡。卒于官。

今孤楚字穀士。世為華原人。德棻之裔也。敬宗時為江淮轉運副使。尋卒。

主涯字廣津。太原人。文宗太和元年為江淮轉運使。時年七十。嗜權固位。偷合

訓注不能潔去

就以至覆宗

資性辯給

幸免干禍

九十萬緡為崔鉉

勅聚豐州刺史

轉運判官再領鹽鐵

用而厚於自奉後罷職而卒

之子也宣宗嗣位

為江淮轉運使

為江淮轉運使自大和以來歲運江淮米

下過四十萬斛吏卒大壞劉晏之法休窮

究其弊立法十餘條歲運百二十萬

斛後秉政五歲罷為宣武節度使

孜字好學亳州譙人宣宗

時為江淮鹽鐵轉運使

楊嗣復

字繼之文宗時為江淮轉運使史稱

崔珙

博陵人文宗開成五年為江淮轉運使妄費鹽鐵錢

杜棕

字永裕京兆萬年人武宗時為江淮

馬植

字存之勛

裴休

字公美孟州濟源人宣宗大中五年

夏侯

字諭蒙

京兆華



原人也。宣宗大中九年，爲江淮轉運使。有醫工劉集，交通禁中，上勅掌鹽鐵補場官。郢上言：「醫工術精，宜補醫官。若委務鹽鐵，何以課其殿最？」且場官職品非特勅所宜親。懿宗時，爲天平敬晦，字日彰，河中河東節度使。卒于官。宣宗大中時，爲江淮鹽鐵劉鄴，字漢藩，潤州句容人。懿宗轉運使。時爲江淮轉運使，時上李德裕冤世高其義，後孔緯字化文，孔子三以不屈逆巢，見殺。十九世孫也。懿宗時，爲江淮轉運使。後僖宗幸蜀，緯從之，賜號持危啓運保義功臣，位至司徒。卒。崔彥昭，字思文，清河人也。僖宗時，爲高駢，字幽州人，崇文之孫也。僖宗乾符六年，充淮南轉運使。是時請改楊子院爲發運。

使後為楊杜讓能字羣懿京兆杜陵人僖

行密所殺宗時為江淮轉運使精

思明敏時崔胤齊州人昭宗時為江淮轉

有所賴胤外寬弘而內巧險

與崔昭緯深昭宗時為江淮轉運

相結後為相使內結忠臣外連強

藩制天子以固其寵後見殺

五代豆盧革

為世名族後唐莊宗時判租庸兼鹽鐵轉運使素無問學

薦韋說相附唯諾郭崇韜褚仁規字可則

而已後竄為民賜自盡廣陵人

南唐昇元元年為海陵鹽監使時海陵民多爭訟仁規兼縣事為理察而果敢厲以刑威民皆有所畏懼縣務甚治所部魚鹽竹葦之地財用所出國家每大役常賦不

能給仁規使吏行視民家所有舉籍而取之事訖則以次備償無有逋負以故民不敢怨累遷至刺史

**宋張齊賢**

字師亮曹州人也太宗初為江淮轉運使後為相喬惟

**岳**

太宗雍熙初為淮南轉運使時開沙河凡四十里創二斗門于西河設懸門以

蓄洩水利自是漕舟無滯後復權知楚州**雷有終**德驤之子也

年為江淮茶鹽使有吏幹險側喜**薛映**元

攻人過後赴援澶淵威聲大震**薛映**元

八世孫也太宗淳化三年為江淮茶鹽

副使好學該博為政嚴明人不敢欺**吳**

**遵路**

叔之子也太宗時為淮南轉運副使于真泰州高郵軍建斗門十九以蓄

洩水利廣屬縣常平倉儲蓄以待歲荒凡所規畫民甚便之

李沆字夫初世

為洛州人真宗時為江淮發運使時請置轉搬法民力寬而鹽利廣國用有資後位

至丞相配王子興真宗咸平二年以鹽鐵

尚體要民張仕遜世為襄州人東之之後多便之

使每思王旦朝廷權利至薛奎字宿藝絳

矣之言不敢求錐刀之利宗時為江淮發運使王旦謂曰東南民力

竭矣奎深然之乃疏真揚漕河廢三堰舟楫便之歲入八百萬

供京師官至叅政朱台符真宗時為江

上言禁無名賞王嗣宗汾人舉進士甲科

罰及不急造作真宗時為江淮發

運使楊楚間民疾不服藥惟禱求家神廟以徵福嗣宗毀之刻名方干石使民知賢

而俗

呂夷簡

字坦夫壽州人舉進士及第仁宗天聖初監西溪鹽場後

入相配享

范仲淹

字希文世為吳人仁宗天聖時為西溪監官時

海潮漫為鹹鹵與發運使張綸築捍海堤于通泰每三州之境長數百里以衛田民

享其利立廟祀之曰張范祠後慶曆中參知政事卒諡文正

晏殊

字同叔撫

州人嘗為西溪監官後仁宗朝拜相卒諡元獻

張綸

字昌言汝南人也仁宗天

聖中為江淮制置發運副使時鹽課大虧乃奏除楚通泰三州鹽戶宿負官助其器

用鹽入優與之直由是歲增課數十萬石捍海有功民立生祠于泰州終乾州刺史

胡令儀

開封陳留人。仁宗天聖時。為淮南轉運使。時命下。使究捍海堰脩築

可否。令儀熟知其便。抗章請必成之。堰王

成。海陵立祠。與張范並祀之。號三賢堂。

素

字仲儀。世為魏州人。仁宗慶曆三年。為淮南都轉按察使。遇事敢發。不能善其

晚節。許元

字子春。宣州人也。仁宗慶曆中。范仲淹薦為江淮發運判官。尋陞副

使。元曰。以六路七十二州之粟。不能足食。乃考故事。治之不勞不擾。而用自足。歲漕

六百二十萬。至京師。尚餘百萬。後

乞守郡。乃以知揚州。又徙泰州。卒。

吳中南

仁宗時。為江淮發運使。嘗自洪澤築六十里。以避長淮之險。又請設官鹽城。以督亭

竈。私鬻之。禁

張

立

為淮南轉運使。時言薛

向變壞鹽法且有所欺隱帝召向與靖對  
錢公輔范純仁皆言向罪安石排羣議抵  
靖干法以薛向字師正京兆人也神宗熙  
寧二年為淮南轉運使

傳堯俞

字欽之世居鄆州神宗熙寧時與  
安石議不合遂權發運鹽鐵使然

立朝建論正大  
薦引多吉人

鮮于侁

字子駿神宗元豐  
八年為都轉運鹽

使奏海鹽依河北通商民甚便之且止役  
錢二十萬溫公謂東坡曰子駿福星也安

得百子駿布之天下乎後入黨籍

希績

字紀常神宗元豐  
時為淮南發運副

使行已有堅  
操坐元祐黨

向子諲

字伯恭世為開封人  
哲宗元符四年除淮

南制置發運使史稱區畫時事  
甚善上多可其奏後知平江府蘇頌字子  
容泉

州人也。哲宗時為淮南轉運使。持正有幹權。邦彥字朝美。世為河間人。高宗

建炎四年。改淮南制置發運使。後權參政。贈正議大夫。胡銓字邦衡。吉之廬

陵人。孝宗隆興二年。除措置兩淮海道使。敦尚雅俗。賢愚皆化。吳玠寧宗

淮南運判兼知真州。百廢俱舉。州人立生祠焉。史岩之朝奉大夫。理宗紹定

三年。以將作監丞兼知真州。權淮南運判。劉彌正劉夙子中弟。後丞相陳自

強惡不附已。開禧虜入寇。用公提淮鹽。蓋

臨之危地。自兵起。鹽商不行。彌正盡通商

利。尋為運判。後為浙漕虜使。自淮至浙。凡

送迎之費。皆為裁定成式。官至吏部侍郎。

李庭芝度宗咸淳五年。為兩淮制置大使。時民負鹽二百餘萬。請蠲之。又鑿



河四十里入金沙餘慶場  
以省車運民德之如父母

**元陳思濟**

字濟民。招城人也。世祖至元五

能盡革姦弊。

**敬儼**

武宗至大元年。時儼為

商賈通行。

**敬儼**

江南治書侍御史。以議

立尚書省不便。忤宰臣意。適兩淮鹽法久

滯。乃左遷儼為轉運鹽使。欲陷之。儼至黜

貪理弊。課復增羨至二十五萬引。河南省

臣來會鹽筴。欲以所增羨為歲入。常額儼

以民罷已甚。不可許。有壬

字可用。湯陰人。

病民以為已遂已。

也。文宗天曆三

年。擢兩淮都轉運鹽使。先是鹽法沮壞。廷

議非有壬不能集事。故有是命。有壬詢究

弊端。國許維禎

字周卿。遂州人。順帝至元

課遂登言。維禎十五年為淮安總管府判

官屬縣鹽城及下溪場有二虎為害維禱  
默禱于神祠一虎去一虎死祠前境內旱  
蝗禱而雨王都中字元會福之福寧人順  
蝗亦息帝元統初朝廷以鹽法  
久壞命都中為兩淮都轉運鹽使都中酌  
其行于兩浙者次第行之鹽法遂脩尋拜  
河南行省宋文瓚順帝至正七年為兩淮  
叅知政事運使嘗上江海擇置戍  
將疏去揚日民立政蹟碑誠姚顯大寧人  
意伯劉基記其事事見疏議順帝至  
正時初仕承務郎工部主事遷承直郎江  
浙行省都事後陞奉議大夫兩淮鹽運司

副使

國朝都御史耿九疇

字禹錫山西平定人由進士正統十四年

以右副都御史。奉命整理鹽法。高明字上達。江西貴溪人。由進士。成化三年。以

左僉都御史。李嗣字宗述。廣東南海人。由進士。弘治元年。以戶部

整理鹽法。左侍郎兼僉都御史。整理鹽課。王璟字廷采。山東沂州人。由進士。弘治十四年。

以右僉都御史。整理鹽法。王瓊字德華。山西太原人。由進士。正德元年。以右僉

都御史。整理鹽法。藍章山東即墨人。由進士。正德十年。以刑部侍郎兼右僉

都御史。清  
理鹽法。

御史馮傑字國用。浙江金華人。由舉人。正統五年。按治。尹鏜字

聲。廣平人。由舉人。正統中。按治。蔣誠字性存。江西大庾人。由進士。正統十三年。

按練綱字從道直隸長洲人由彭烈字肇  
治練綱舉人景泰二年按治  
西廬陵人由進士趙銘字自新陝西  
景泰四年按治趙銘字自新陝西  
年按李宏字有容直隸蠡縣人由進士  
治李宏進士景泰六年按治劉淵泰  
七年張岐字來鳳直隸興濟人由李  
按治張山進士天順二年按治李  
王河南考池人由進程鑑字孔昭直隸開  
士天順三年按治程鑑字孔昭直隸開  
順四年李益字士謙陝西長安人由  
按治李益進士天順五年按治荆綸  
天順七年田濟字汝霖陝西麟遊人由  
年按治田濟進士天順八年按治董俊  
字世英直隸南樂人由姚綬字公綬浙江  
舉人成化元年按治姚綬字公綬浙江

士。成化二年。按治。左鈺。字廷珍。直隸阜城人。由

宗。字廷王。四川華陽人。由。王繼。字述之。河

由。進士。成化四年。按治。董韜。字廷顯。浙江臨海人。由

五年。按治。呂鍾。字大器。山東鄆城人。由。黃鍾。字孟陽。

遠人。由。進士。成化七年。按治。吳祚。字天保。浙江淳安人。

化八年。按治。劉瓚。字廷璧。山東益都人。由。雍泰。字世

治。劉瓚。字廷璧。山東益都人。由。雍泰。字世

西。咸寧人。由。進士。成化十一年。按治。劉魁。字士元。山東高唐

成化十二年。按治。楊澄。字憲夫。四川射洪人。由。吳哲。字

成化十七年按治陳子由人由進士成

年按治李孟昭進士成化十九年按治王

相進士成化二十年按治中暢亨西河津人

劉汝由進士成化二十三年

史簡  
進士弘治元年按治  
張禎國

弘治二年按治孫衍姚人由進士弘

按治  
張智進士弘治四年按治  
劉

進士。弘治五年。按治。汪鉉。餘姚人。由進士。公。清。治。弘。治。五。年。按。治。汪。鉉。餘。姚。人。由。進。士。

進士弘治五年按治汪金餘姚人由進

士。弘治六年。按治。榮華。字公實。陝西藍田人。由進士。弘治七年。按治。鄧

璋。字禮方。順天涿州人。由進士。弘治八年。按治。趙鑑。字克明。山東壽光人。

由進士。弘治九年。按治。劉堯。字象謙。陝西安定人。由進士。弘治十年。按治。

金洪。字惟深。浙江鄞縣人。由進士。弘治十一年。按治。史載德。字公

南。新鄭人。由進士。弘治十二年。按治。馮允中。字執之。湖廣郴州人。由進士。弘

治十三年。按治。馬昆。字克昌。浙江平湖人。由進士。弘治十四年。按治。王俸

字應爵。直隸吳縣人。由進士。弘治十六年。按治。曹來旬。字伯長。河南鄭州人。

由進士。弘治十七年。按治。趙繼爵。字世忠。陝西同州人。由進士。正德元年。按

治朱廷聲字克諧江西進賢人由徐行慶

字思道江西金谿人由李雲字自石江西

進士正德三年按治士正德三年按治朱儼字居正福建莆田人由劉

年按治繹字以成山西代州人由朱冠字仲瞻河南固始人

由進士正德五年按治張淮字東之直隸南皮人由

六年按治張鵬字起溟四川洪雅人由劉澄甫字子

東壽光人由進士王金字汝礪直隸涿鹿

正德九年按治盧楫字濟川順天密雲人由許翺

德十年按治



鳳字國真。山西洪洞人。由進士。正德十三年。按治。王琳字君佩。山東安丘人。

由舉人。正德十四年。按治。鄭氣字浩然。直隸靜海人。由進士。正德十五年。按治。

秦鉞字懋功。浙江慈谿人。由進士。嘉靖元年。按治。吳鎧字文濟。山東陽穀人。由進士。嘉靖二年。按治。

張珩字佩玉。山西石州人。由進士。嘉靖三年。按治。

戴金字純夫。湖廣漢陽人。由進士。嘉靖五年。按治。雷應龍字孟升。雲南蒙化衛籍。應天。上元人。由進士。嘉靖六年。按治。

李佶字子健。四川金堂人。由進士。嘉靖七年。按治。

朱廷立字子禮。湖廣通山人。由進士。嘉靖八年。按治。

治

運使蔣廷瓚

永樂間任

徐茂恭

永樂間任

何士英

浙江

東陽人。永樂間任。

白琛

宣德八年任。

嚴貞

浙江奉化人。由進士。正統

元年任。

崔璵

字文玉。順天宛平人。由進士。景泰間任。

夏時

字子寅。山

東人。由監生。

崔能

字用賢。山西太原人。由貢士。天順間任。

謝

爍

浙江臨海人。由進士。成化元年任。

延祥

順天宛平人。由舉人。成化九年

任。

歐賢

廣西蒼梧人。由進士。成化十一年任。

白行中

陝西清澗人。由

舉人。成化

袁江

河南祥符人。由進士。成化二十年任。

畢亨

字

會山東新城人。由進士。成化間任。

王宏

山東文登人。由進士。弘治四年任。

唐錦舟

字文載。四川達縣人。由進士弘治十三年任。

楊奇

字秀夫。山

西壺關人。由進士。

正德元年任。

呂賢

字邦佑。直隸真定人。由進士。正德二年任。

畢璽

山西高平人。由舉人。正德六年任。

張偉

四川內江人。由進士。正德

九年任。

胡軒

浙江餘姚人。由進士。正德十一年任。

薛奎

直隸魏縣人。由

進士。正德

十四年任。

李銳

字抑之。江西安福人。由進士。正德十五年任。

李

津

廣東四會人。由進士。嘉靖四年任。

吳允禎

字天祐。廣東南海人。由進士。嘉靖四年任。

士。嘉靖

六年任。

史紳

字道存。湖廣辰州衛人。由進士。嘉靖八年任。

同知張翀

山西榆社人。由進士。洪武間任。

王幹

永樂人。任。

劉永

賢

宣德五年任。

張翔

宣德六年任。

盧亮

福建政和人。宣德六年任。

于

頤

浙江臨海人。由進士。宣德十五年任。

謝衡

浙江仁和人。由進士。正統二年任。

葉思銘

字克新。浙江義烏人。由舉人。正統七年任。

田日高

順天霸州人。成

化元

江西浮梁人。由舉人。成化十五年任。

鄭愷

四川廣安人。由舉人。

成化二十

七年任。

蔡元美

福建莆田人。由進士。弘治三年任。

侯明

南河

洛陽人。由進士。

黃琳

浙江錢塘人。由舉人。弘治十二年任。

黃琪

字文瑞。順天大興人。籍浙江餘姚人。由進士。弘治十五年任。

陳震

字文靜。陝西慶

陽衛官籍由進士弘治間任  
**李宗商**字尚質直隸樂平人由進士正德元年任

**劉汝爲**字廷宣直隸唐縣人由進士正德三年任  
**李德仁**順天東安人由

進士正德四年任  
**馮永固**字重器山西陽曲人由進士正德四年任  
**解經**

**高選**陝西高陵人由進士正德十年任  
**祝濬**江西玉山人由進士

正德十一年任  
**楊珽**山西忻州人由舉人正德十三年任  
**邵有道**江西南昌人由進士

正德十五年任  
**林有祿**福建莆田人由舉人正德元年任  
**朱冕**

順天大興人由進士嘉靖二年任  
**曹蘭**陝西咸寧人由進士嘉靖四年任

**劉璣**字德夫錦衣衛籍陝西盩厔人由進士嘉靖四年任

副使党忠

宣德六年任

柴秀

陝西洛南人由舉人成化四年任

金鼎

浙江錢塘人由舉人成化四年任

孫進

直隸東鹿人由舉人成化

十四年任陳瑄

江西南昌人由舉人成化二十年任

况滋

江西高安人由

監生弘治元年任

萬福

字季崇江西進賢人由舉人弘治二年任

魏祿

濱州人由監生弘治九年任

曹豫

字立之臨安衛鎮撫司子由舉人弘治十年任

王瑁

順天固安人由舉人弘治十三年任

張璿

直隸南皮人由舉人

弘治十五年任

夏麟

字廷瑞順天大興匠籍江西新喻人由舉人正德二年任

劉讓字堯仲。江西新昌人。正德五年任。趙瓚。雲南泰和人。由舉人。

正德十年任。王用予。山西汾州人。由舉人。正德十年任。閻邦重。

山西壽陽人。由舉人。劉大清。字思憲。福建莆田人。由舉人。嘉

靖三年任。

判官楊陵宣德四年任王通宣德五年任崔友智正統

四年任薛華正統五年任徐海直隸任丘人由監生天順八年任

李森成化十年任梁潔廣東澄邁人成化十四年任畢綸江西

弋陽人成化十四年任楊瓚直隸開州人成化十四年任王秉彝

四川內江人由進士成化十四年任張璇湖廣湘潭人由監生成化十六年任

蹇貴四川泰寧人由監生成化二十三年任徐鵬舉字九霄四川瀘

州人由進士成化二十三年任王宸四川安居人由舉人弘治三年任歐

陽良江西泰和人由舉人弘治十年任袁雲直隸棗強人由監生弘治



十二年任嚴蘭河南扶溝人。由舉人。弘治十四年任。宋昂直隸定興人。由

舉人。弘治十三年任黎岳廣東德慶人。由舉人。弘治十六年任。朱紀陝西

涇陽人。由吏員。弘治十七年任毛翔字鳳儀。四川內江人。由舉人。弘治十八年任。

劉仁字德元。山東益都人。由舉人。弘治十八年任。聶升

謝貴江西新淦人。由監生。正德六年任。黎磐廣東電白人。由

舉人。正德七年任劉文瀚湖廣沅陵人。由監生。正德八年任。聞人

韶浙江仁和人。由舉人。正德九年任。夏邦謨字舜俞。四川涪州人。由進

士。正德十二年任陳珏福建閩清人。由監生。正德十二年任。丁瑀陝西

蒲城人。由舉人。張秉彝河南鄧州千戶所

正德十四年任。張秉彝軍籍由舉人。正德

十四年任。呂憲直隸蠡縣人。由舉人。屠應墳浙江

人。由進士。嘉靖元年任。張鉞陝西咸寧人。由舉人。丁鎬

山東東平人。由舉人。譚純字粹之雲南衛軍

人。嘉靖三年任。譚純籍浙江烏程人。由

舉人。嘉靖四年任。林檣福建莆田人。由進

士。嘉靖六年任。羅國寶

字宗善廣東四會人。劉芳字景春浙江新

由舉人。嘉靖六年任。劉芳昌人。由舉人。嘉

靖七年任。

鹽政志卷之九終

鹽政志卷之十

禁約

朱廷立曰。志禁約何爲也。禁約者。法之餘也。君子以輔法焉。天下無不盡之法。而有不盡之弊。夫惟其弊也。是故有禁約焉。是可爲法之輔也已。志禁約。

張珩禁約

嘉靖四年。兩淮御史珩定。

一曰。巡緝私鹽。凡

衛有司巡鹽官照舊定委堂上佐貳如無  
方許首領不許委陰陽醫學義官并帶俸  
立功等官貽患地方本院先置立比較格  
眼簿一扇每遇各衙門按月所報捉獲鹽  
斤船隻車輛驢頭等項到院隨即填寫并  
呈到犯人招由亦隨即酌量輕重照依律  
例詳允發落私鹽車船等項悉照時估變  
價解送運司類解戶部取庫收繳照年終  
運司將收過各衙門解到私鹽車船等項  
銀兩數目總造手冊一本呈院本院取出  
各衙門繳到庫收卷宗逐一清查如庫收  
已獲冊上已造比對相同者則銀兩已解  
運司類解戶部則為完卷庫收未獲冊上  
未造則是各衙門未解運司則為未完查  
催其巡鹽官查得簿內有能捕獲二千斤  
以上者照例給賞三分之一及有不時捉

獲鹽犯。鹽斤雖少。功次數多者。季終併算。填註勤字。量加激勵。三箇月全無鹽犯者。填註清字。查得三十場竈戶。字查究。二曰審戶均煎。貧富不一。消長無常。若不量其產業厚薄。人丁多寡。一槩每丁辦鹽二十小引。則貧者將何所措。是使富者愈富。貧者愈貧矣。今後每五年一次審編。選委公正廉明官三員。分詣通泰淮三分司。查審各場。每歲額辦正鹽若干引。見在人丁若干丁。每總分爲上中下三等。若場分人丁多者。上戶獨辦鹽二十小引。中戶兩丁共辦二十小引。下戶三丁共辦二十小引。場分人丁少者。上戶獨辦鹽二十小引。中戶三丁共辦四十小引。下戶兩丁共辦二十小引。審編之後。或有上中戶逃亡老疾等項。其本名賑濟草蕩灰池撥

與本戶戶頭管領代辦鹽課。若是下戶逃亡等項。戶頭代辦不前。責令上中二等入戶代辦。上戶代辦六小引。中戶代辦四小引。賤銀草蕩亦給與管領。各場竈丁年十五以上。方僉辦課六十以上。優免名鹽。其各場總催俱查照原額。就在上等戶內。不拘會否應總選。其家道殷實者充當。催徵鹽課亦五年一換。庶得少息。然各總竈戶多寡不一。須要通融處置。互相撥補。若一總或編二十名。每總俱編二十名。一總或編三十名。每總俱編三十名。務使竈舍相近。草蕩接連。若是蕩舍在東。編僉在西。道路寫遠。難以燒煎。其水鄉竈戶。審在上等者。仍納水鄉銀兩。若家道消乏。辦納不敷。卽與分豁。責令上等情願者代伊辦納。審畢。橫造清冊四本。一本送本院查考。一本

送運司一本送分司查  
照一本存留本場備照  
三曰均平賑濟  
得照  
邊方之糧草。招商人以飛輓。商人之鹽引。  
賴竈丁以前燒。是竈丁者。鹽課之本。況晝  
夜勤勞。歲無寧日。每年額辦有七十餘萬。  
之正課。餘鹽銀兩。又不下八九十萬之數。  
皆各場竈丁汗血之所出。因此歷年有賑  
濟之例。每年實在本色鹽五十七萬六千  
四百一十六引一百斤。每引納賑銀五分。  
共銀二萬八千八百二十兩八錢二分五  
釐。竈丁每鹽一引。商人或出米一斗。或納  
銀五分。以償其勞。貧富不分。一體給賑。近  
年以來。有富實頗過者。朋丁幫貼者。俱不  
給賑。是以苦樂不均。逃竄甚多。又加旱澇  
災歿死亡過半。所以告乏日繁。通關不得  
完繳。爲今之計。每場除總催一名不賑外。



其餘不論產業之厚薄，人丁之多寡，辦鹽十引者給與十引賑銀，辦鹽五引者給與五引賑銀，辦鹽多寡隨鹽賑濟。况竈丁煎鹽一引，方得一引賑濟，是賑濟銀兩皆出自竈丁已力之所致，非取於官倉官庫之比。然給領賑濟雖無貧富多寡之分，派辦鹽引實有貧富多寡之等。區畫精詳，酌量周密，公平未有過於此者。其關領賑濟之期，每年分爲二次。該場照依新審戶則造冊赴司關領賑濟，分司至場唱名給散。悉照本院新定**四曰清查草蕩**，查得各場竈丁歲辦鹽課，不但曬灰淋鹵，其最要者草蕩，先年每丁俱有界址畝數。近年以來，有典當賣絕者，有侵占失迷者，往往缺草煎辦，鹽課缺乏。今歲每五年審戶之時，亦坐委公廉官三

具分詰三分司地方。將各場草蕩。逐一踏勘。總計若干。隨蕩多寡。均分竈丁。如蕩多。每丁多分幾畝。蕩少。每丁少分幾畝。多者撥與少者。有者撥與無者。不必拘定。通融處置。若有典當賣絕。侵占失迷等項。務要清查明白。踏勘不拘遠年近日。用價買典者。盡行退還原主。管業追出原契。燒毀定爲四至。各立封界。其間逃亡事故。原無主者。派與見審辦鹽人戶管業。審定之後。有來復業者。不許就令辦課。存恤一年。待後有逃亡老疾名缺。方將復業人戶頂補。其遺下賑濟草蕩。許頂補之人領管。今後竈丁照依編定草蕩。各人遵守。不許盜賣盜買。如有故違。依律問罪。賣主追價入官。買主草蕩給主。審畢。攢造清冊四本。冊內每竈所分畝數四至。俱要明白。庶豪強不得

以吞併貪暴不得以多取造完一本送本院查考一本送運司一本送分司一本存

留該場

五曰清查竈丁

竈戶貧富老幼殘疾孤寡不免先令

備照

場官總催開報但恐乘機作弊以富作貧以貧作富以精壯作老幼以老幼作精壯非殘疾者作殘疾而真殘疾者反不開除非孤寡者作孤寡而真孤寡者反不優免見在而掙為逃亡逃亡而掙為見在或畏懼豪富而為之回護或欺壓良弱而為之復讐若不防範精密懲戒嚴切則清丁本為便竈實所謂擾竈也故開報之法先令該場官吏督總催將各總人戶不拘貧富老幼殘疾鰥寡盡數開報俱要花名揭帖或手開細開年貌仍令清丁冊上有名竈戶互相挨報務要總無遺戶戶無遺丁盡

數查出。不許隱匿。如竈戶所報之數。多於  
總催五名以下。量情發落。五名以上。從重  
究治。若該場官吏受財漏報。坐以枉法贓  
罪。若豪富之竈。用財買囑官吏總催除重  
治外。中戶增爲上戶。下戶增爲中戶。  
上戶加倍派鹽。或定爲總催身役。六曰

編審則例

差。則草蕩賑濟之類。俱不得其

均矣。故定則之法。令各總竈戶預先取齊  
大門外聽候。每總用牌喚進。委官公同場  
官總催。先於衆人中審二三人。可爲上戶  
者。此二三人既定。令各人於衆人中報與  
已同者。定爲上戶。上戶既定。次審二三人  
可爲中戶者。此二三人既定。令各人於衆  
人中報與已同者。定爲中戶。中上戶既定。  
其餘爲下戶。可知矣。三者雖定。中間未免

有不均處。必須辭色寬緩。虚心詢問。上戶中或有告不堪者。令眾人齊說。果為上戶者。皆曰彼不如已。為中戶者。皆曰彼與已同。為下戶者。皆曰彼強如已。減一則定為中戶。如上戶皆曰與已同。中戶皆曰強如已。下戶皆曰已遠不及。係姦寵欲避重就輕者。重責。仍定上戶。中下戶依此定。七曰優免。凡例殘疾年

煎辦者。俱開除寡婦守節。子未成立者。其夫遺課免辦。待子成立。別議。是任官。以禮致仕。官舉人。監生。曾經科舉生員。俱照例優免。其附學。未經科舉者。例不在優免之數。州縣提調官。行該學起送本院。如考得德行文學俱優。堪以作養。另行區處。

戴余禁約

嘉靖五年。兩准御史金定。

一曰風勵屬官

近來

各處士夫除授遷轉一遇運司衙門卽恐  
爲財賦之累及至到任往往失其初心反  
爲利欲所迷蓋不知負奇器者不遇盤根  
錯節無以見其鋒鏖有持守者不處富貴  
貨利無以見其清操爾運司諸官務爭相  
濯磨以正自守本院巡歷畢日應薦舉者  
卽行薦舉應獎勞者卽行獎勞而賢否不  
至混淆如有因循怠惰貪污不職者不待  
歲終糾察必隨事

二曰禁革船戶

看得商人雇船

運載官鹽中間或有積年狡猾船戶一遇  
裝鹽先取半價收買私鹽預裝前後火倉  
并舵樓倚有官鹽影射沿途發賣亦以足  
矣而又貪心不已竊取商人漸補已數或  
樓爬漏包攬和沙土累害商人莫敢聲言  
甚至強梁之徒動輒挾制延捱時日丁已

私鹽方肯載行。如此之弊。以爲常事。自示之後。仍前夾帶。及羈勒商人者。巡緝得出。或本院委官盤驗。商人告發。拘問如律。船鹽入官。如商人通同作弊。併包夾帶者。一體究治。

三曰。掣鹽姦弊。訪得商人每於秤掣次未到。夤緣奔競。而欲越次提單。或輪次該掣。而又推故潛躲。希圖補掣。或通同門隸。久慣脚夫。并緝事人役。欺瞞委官。抵換遇掣鹽包。積弊多端。已非一日。今後如不遵禁約。仍前故違者。訪

四曰。秤收鹽價。查出。或事發。定行重治。

儀准二所餘鹽銀兩。本院行令運司。每單僉選殷實經紀地主各五名。不必干預本司官吏。許令各役在於本司儀門外。日則照數秤收。暮則封收貯庫。一單通完。用原

降天平。傾瀉成錠前去該所給文赴司交納類解。取獲庫收申繳續訪各商掣鹽過所。又行延捥索價。不肯依期納銀。及查得淮安批驗所嘉靖二年三年分經紀朱還等各侵銀兩動以千計。監追不出。蓋由當時防範不嚴。小人恣意花費。今雖處以重罪。於法何益。合行該司立爲定規。淮南鹽價每遇收銀。責令經紀地主置立收簿一扇。送司印記。每日將收過數目填註簿籍。送堂查考。中有過限者。依期比較。一商完足。一面行令該所給發引目。以便發賣。一面傾錠鑿字。聽候類解。每五日該司仍具總數回繳本院。准北但遇掣鹽。卽令本司委官一面監掣。一面查照前規。責令該所所官督同經紀地主秤收。每銀至二千兩或數多至五千兩。卽起解運司傾鑿。如此。



則法有定式。而官吏人等。無干預之嫌。五

曰深濬鹵池

看得鹽出於鹵。雖自然之利。而鹵蓄於池。必資人力之勤。

下用深濬以廣蓄聚。上用苦蓋以防陰雨。今訪各場鹵池。經年累月。全無挑濬。草蓬廢池。以致一經旱久。則鹵水易枯。陰雨連綿。則鹽花不結。鹽法至要。莫切於此。今後各場官。毋因循度日。虛糜廩祿。月每巡視各團。督令竈丁協力齊工。使鹵水取之無窮。而陰雨不妨煎辦。則竈丁勞而六曰修理竈房

看得各場設立竈房。安置鐵盤。督令竈丁團竈前。當心修理齊備。斯

煎辦得所。今各場竈丁。但知煎鹽度日。取辦目前。加以羣心異向。用力靡齊。其竈房

不過編草爲蓬。竟容出入。一遇陰雨。不堪  
遮蔽。其鐵盤又多經年久。銷鑠虧損。不堪  
煎膏。今後場官督令各團。竈房應修者。協  
心修理。鐵盤應換者。看驗的實。申報運司。  
轉呈本院處置更換。如此。則竈丁有所倚  
賴。樂於趨事勤於辦課。而免逃移之患矣。

七曰囚徒加煎

各場竈丁有爲事徒罪以  
發場加煎者。仍查照舊

例。每鹽一小引。准納銀二錢。但稽考不嚴。  
中間多有受錢脫放。捏作逃移。或恃頑負  
罪。不肯完納。課銀有名無實。不無縱惡長  
姦。今後各場每遇各衙門發到囚徒。卽申  
報分司。將每月完過銀  
數填註循環送院查考。

雷應龍禁約

嘉靖六年兩淮  
御史應龍定

一曰戒飭司

屬

運司之職要在保安竈丁。別除姦弊。竈

丁安則鹽課足。姦弊去則鹽法通。訪得往等之官。但以持身之潔。簿書期會之集。便謂之賢。若於此二者少有所歉。卽於職業有虧。何足爲賢。今後運司掌印并佐貳分司官。凡竈丁一切疾苦。本司及各場司所官吏庫皂弓兵總催工脚人等玩法害人。與商竈鹽徒經紀地主埠頭鋪戶等興販夾帶截買偷爬等弊。務要留心咨訪。小則徑自處治。大則呈來施行。若本院或偏行偶欠平當。亦要反覆執論。不可苟從。內外人等或假借欺瞞作弊騙人。亦要稟白拏問。不可虛應。以負所望。其各場一應事宜。仍責成於分司。催令以時出巡。期於了事。不限時月。回日將保安過竈丁事件查訪出各色姦弊。追過鹽銀。問過刑名。逐一

開報。如或怠玩。二曰申重教養。查得各場

廢職。法不爾私。有者徒具虛名。教讀非人。教養

尚未建立。有者徒具虛名。教讀非人。教養

無法。鄉俗何由而善。今後各場必推殷實

有行止一人為主。擇請學行端潔之人。以

居師席。讀書必以小學為先。教人必以孝

弟為本。講之必明。行之必力。冠婚喪祭。必

行文。公家禮。婚姻不許過侈。喪葬不許用

僧道。各要稱家有無。民間鰥寡孤獨。無有

親屬者。照例行有司收養。若年八十以上。

雖有親屬。貧不能養者。與孝子順孫義夫。

節婦。有會旌異而貧不能存。并未曾旌異

者。及有不孝不義大姦大惡為害一鄉。敗

壞風俗者。各查訪實跡。以憑周贍。旌異究

治施行。毋得變易名實。顛倒是非。查出責

有所歸。其無社學場分。各查相應。淫祠改

修各分司各場衙門解舍倒塌者亦許查  
毀淫祠拆修無淫祠者申來議處修蓋各  
分司先將各場一應祠廟庵堂備查所祀  
之神并修建年月祀典載否緣由分豁何  
者可爲社學何者可爲分司何者可爲各  
場衙門解舍何者應留何者應毀開具揭  
帖呈來  
**三曰禁治包納**  
訪得各場有等姦  
定奪  
竈下親自納鹽用強包攬多收鹽價却賤  
買鹽斤上納又有通同官吏將鹽包與總  
催虛出木籌又或折收價銀入已挿和泥  
土湊數又多將鹽收至八分卽報作完虛  
出通關及查先年收鹽每總堆作一廩派  
鹽坐以總催名數是以勤惰易分美惡易  
見虛實易查近來官吏總催欲便已私多  
將各總鹽斤堆收一廩致無分別百弊由

生除選委廉能官員到場查盤及本院親臨閱視外仰運司卽行各分司督令各場官吏自禁約到日爲始責令富安安豐梁垞東臺等場但係先年查准歸併者俱將先徵鹽斤各總另堆一廩如有十總者卽另堆作十廩不許仍前混收如違該場官吏問擬贓罪分司官別議仍禁各總催各戶鹽斤聽從各人自納本色俱要潔淨再不許用強包攬及折收價銀揷和泥土私賣木籌虛出通關如有此等官吏依前問擬總催從重問罪

**四曰體悉團竈**  
竈丁辦鹽以丁力爲主以鹵池爲本以草蕩爲資以盤鐵爲器以竈房爲所數者一有未備則鹽業有妨訪得各場竈丁逃移甚多鹵池下欠開濬上乏苫蓋草蕩多被勢豪侵占開墾爲田或取草載

船發賣。盤鐵缺壞。竈房倒塌。俱不修整。亦有因欠私債。將弟男并鹵池埤場。准折與人者。本院節備行招撫清查。濬蓋修整。未見成效。分司與各場官吏。其何辭責。除姑記外。運司卽行各分司官。嚴督各場官吏。卽將竈丁。見在者。用心安集。逃移者。設法招撫。窩藏乞養。准債者。照例許其自首。有來復業者。照舊存恤。一年。公私負欠。不許追取。草蕩。照依清查數目。分管。有未清。未分。或勢豪。准折奪占。不退。不分管者。呈來施行。鹵池竈房。除已行令。刻期修濬。苦蓋外。以後務要隨其傾塞。卽便修濬。其盤鐵。少有缺壞者。各

**五曰防究掣驗**

其稱掣之法

隨力修補。雖經選委。聞近亦有以贓敗者。其格限文移簿舊法。止載餘鹽數目。其原

秤各包總數俱不開載。本院既以無憑查考。書算人未必不緣是作弊。且訪得往時看秤搭鉞之人。常輕重其手。以爲騙財之計。得錢則秤之重。不得錢則秤之輕。蓋由覆驗之法。重者獨罪商人。輕則不罪各役。重者仍算徵。輕者不折補。是以得逞其姦。而法似亦欠平當。知人立法。其難如此。然掣之公私。衆目昭彰。未有不敗者。姦商貪官。銀鹽既該沒官。身又遭罹重罪。竟何益哉。宜痛加懲戒。又訪得淮北堆鹽所在。已掣夫掣。相去不遠。商人每於夜間。乘機將未掣之鹽。盜藏已掣堆內。其已掣之鹽。又重行細勾。以便夾帶。今後運司備行各委官。照依原定格眼文簿。每掣一號。該委官卽將秤出總數。親筆填寫本格之下。以杜弊端。仍嚴禁商人。及看秤搭鉞之人。各改



前非務要針對公平。不許買求作弊。若覆驗斤數重者。商人既算追價銀。仍同看秤搭鉅之人一體治罪。若數輕少者。獨將看秤搭鉅之人問罪。商人仍照數扣鹽補還。其掣鹽看秤搭鉅之人。覆驗之時。不許再用准北掣鹽委官。仍將應掣鹽船。照舊編定號數。挨次驗放。已掣者責令離遠堆收。不許重細。如違。商人照例問遣。縱容官吏。究治。六曰。公收餘銀。徵收餘銀。俱合照舊遵收票。不給號簿。致使准北經紀得以隱瞞侵費。今後運司置立印給收銀小票號簿。每本用紙五十幅。每幅止掛八號。各所印到收票俱依一二三四五次序。掛至四百為止。連簿給發經收人役。逐日依次對號。將收過商人銀兩數目。限同商人各註於

本號之下。與收票相同。除該所五日一報外。收完一簿。總計數目。連簿申繳運司。又將收票掛號。如前給發收填。庶易查考。又訪得各所經紀地主。收銀將天平作弊。止用一頭秤兌。商人出入。運司門隸往往刁難。追收餘鹽銀兩。期限太逼。致使借貸出息。各商店主經紀天平輕重不一。有虧商人。所運司自今餘鹽銀兩。俱寬限一月。以裏完納。給示禁諭。門隸人等。不許仍前刁難。各經紀地主。秤銀天平。吊取到司。較勘無弊。給示秤銀務要兩頭遞秤。如納銀十兩。每頭秤銀五兩。聽各商自行敲兌。仍拘各店主并儀真各經紀。責令各造天平法。子一付送司。眼同商人店戶經紀。將本司較過法子。逐一較勘。相同鑒刻。運司較同四字。發用。淮安行分司官。如法較勘。故違。

與換法子者許被七曰清查宿弊運司分司各場

害商人指陳問罪

官徵鹽過限住俸降級事例客商支鹽賣

鹽期限南京戶部坐派合用青白鹽并各

王府南京各衙門關支食鹽與每年二次

賑濟按月追銷退引賑濟餘鹽沒官鹽水

鄉竈戶戶口食鹽囚徒加煎泥鹽包索引

紙脚價贓罰耗銀等項銀兩馬丁祇候隸

兵門庫斗級京鹽船戶及各衙門吏典工

脚弓兵等役俱有定數定期定法合該相

與遵守勿失但查訪得鹽課連年不完因

徒多被賣放賑濟銀兩每為公敘私債所

奪門隸人等多是積年包當本司分司既

有額設人役却又擾取各場工脚役使條

例到日本司即便逐件催督查究禁革先

將鹽自有未完年分查起要見該年額鹽

若干已完若干見在何處曾否出給果字號通關未完若干是何總催竈丁拖欠或是何官吏總催侵欺商人自有未支年分查起要見該年投到勘合商人若干名該支鹽若干引已派若干未派若干已派者已支若干見在何處曾否秤掣未支若干是何場分何總催拖欠其賑濟餘鹽沒官鹽水鄉竈戶戶口食鹽囚徒加煎泥鹽包索引紙腳價贓罰耗銀空月馬丁祇候吏農納例竈丁上納義民散官等項銀兩本院先後有行一應未完事件開立前件并承行該吏俱照前法同本司見在吏農編僉在官門隸之類與京鹽船戶原額名數籍貫分豁見在事故并見監一應輕重囚犯略節緣由違限在繳退引商人店主經紀名數各另類造方冊一本以次送院查

審以後本司倉庫每季終各分司督收過一應鹽銀每月終照舊置簿循環倒換查考其奉到本院勘合牌案批呈批詞等件并同知以下分管事件承受詞狀俱每月終於各承行前件簿內已完者送條填註已完緣由日期未完者空下首領官帶領各承行該吏齎簿赴院查比

### 李信禁約

嘉靖七年兩淮御史信定

### 一曰禁牙行

近時

各處鹽價高貴人多缺食蓋云議准二所有等久慣經紀專一愚陷商人以罔利肥已或賺哄堆垛以待價或主張賒欠而折本或不令面會交銀以遂夾帳之計或假稱扶秤增減而索偏手之錢其地主堆垛引鹽每千引止該討銀一兩三錢五分又

指以大包勒要加增情均可惡今後不許  
仍前巧立名色攙行入市拜偏手多索等  
項違者呈院  
二曰招撫逃竈各場竈戶近  
以憑拏問年凶荒逃亡

頗多見在者加以豪强侵害凌雲或將親  
子改名投入富戶為義男女婿以致鹽課  
不得完徵今後如有前項弊病者許總催  
查報該場轉申本院行令各該衙門拘拏  
到院照例施行竈丁仍省令復業辦課各  
場凡遇竈戶新舊逃回自首復業者仍要  
安插停當照例優免鹽課一年公務私  
債俱不得援害未回者招回加意撫恤三  
曰究治老引各場商人育等老引光棍既  
無鹽引支掣又無資本生理  
專起刁風不圖歸計或把持官府或起滅  
詞訟甚至打點衙門誑騙財物無所不至

揆之此徒若非逃民輟避差徭卽係姦商  
撓壞鹽法除見在守支鹽斤者并先年置  
有田產入籍當差者外其餘俱限三箇月  
以裏收拾回籍以慰父母妻子之望如或  
故違四鄰卽時四曰賑濟姦弊各場賑濟  
舉首以憑拏問四曰賑濟姦弊各場賑濟  
給散銀兩近年只收米麥以於商竈相便  
誠恐各場官攢私置大斛量收以損商小  
斗支放以虧竈或索計私債而攔路邀截  
或假以逋課而臨倉扣除反致貧竈不沾  
實惠今後分司官務要嚴加禁治前弊將  
收支過細數併入循環另項開造按月送  
院查考及查各場見使斛斗三三禁章包  
有無較勘印烙具由回報

安東壩白塔河各巡檢司弓兵俱係積  
年包攬無籍之徒官吏情熟不能各束

任其索取商貨賣放私鹽官鹽船過亦要  
火柴食鹽等項爲害多端今後卽行革去  
拘令正身應當如違拏  
問發遣官吏問革不貸

# 朱廷立禁約

嘉靖八年兩淮御史廷立定

## 一曰慎委任

改有專職而後事有成效各該有司佐貳  
官內定委一員管理巡鹽巡捕佐貳員缺  
掌印正官就行帶管不許委之陰陽醫官  
巡檢倉大使義民之類徒應故事中間給  
由轉遷交代俱將職名呈詳本院其在軍  
衛巡鹽巡捕遇有員缺共推相應人員申  
請定奪不許將帶罪立  
二曰防勾科竈丁  
功軍職管理違者究治  
海濱其爲役旣甚勞而員性亦至愚運司  
加意存恤少蘇困苦一應提審人犯責令



總催追要。毋令積年隸卒。假以批票爲由。下場詐騙財物。及豪惡總催。假以衙門使。用爲由。多方科斂。三曰謹給散。賑濟竈丁。違者責有所歸。歲有二次。

要在人各沾惠。乃爲良法。該司每遇給散之時。具由呈請。本院委官督同總催殷實。竈戶臨場給散。上中戶代辦逃竈鹽斤。照舊依所辦鹽斤之多寡。以爲給散之等差。毋致姦頑之徒。反得冒領。而貧難之人。不蒙實惠。完日。該司備造給散過文冊。繳報四曰均竈課。竈丁有貧富之分。課程無彼義民。及散官名色。假以優免爲由。及豪民跟隨場官。隱占幫丁。希圖免課。不無偏累貧竈。召屈無伴。告示之後。各場官不許將納粟等官。一槩優免。及容留跟隨人役。隱

占幫丁違者事發之日決不輕縱

五曰禁窩隱

民竈已不

事自不同業但恐有等姦頑意在避重就輕不無投民脫竈其豪強富戶利其使用容隱在家作為義子以致竈丁日乏今後如有此弊許總催告報該場轉申本院以憑拏問窩戶照例問發充竈

六曰勤幹理

事務每病於過時而幹理

常貴於能早況鹽場時有旺衰鹽有伸縮催督失時終難為力場官總催務須依期督辦照依原定旺煎七分衰閉四分毋得勒要虛報苟且塞責每月終申報分司填註循環送院倒換歲終取獲通關申報本院并運司造冊類繳其涵池堙塞竈房傾頽俱要督令竈丁用工挑濬隨時修理鐵盤銷折驗實申報運司轉呈本院以憑查

換則竈丁樂於趨事。而正課易於完納矣。其有因循度日。不盡職業者。各治以罪。

七曰禁私煎。

私鹽禁止。而後官鹽疏通。說者謂疏通官鹽。卽所以禁止

私鹽。固爲崇本之論。然私鹽不禁。則人皆樂於近易。誰肯捐資本。涉險阻。爲是徒勞無益者哉。然私鹽之行。始自富惡竈戶。私煎而後無藉鹽徒。得以私販。私煎不禁。而禁私販。是不求本而求末者也。竊意鹽徒之蹤跡莫定。而竈戶之前煎。鬻有方。莫定者。固待於巡緝。而有方者。便可以坐拏。各該場官所管。惟目前之竈丁。竈丁私煎。豈不知之。特利其常例。雖知猶不知耳。今後若有姦頑竈丁。私煎私賣。不肯完納正課。及豪惡富竈。離場私煎。通同大夥。鹽徒撐駕船隻。出境興販者。除行官兵緝拏外。各場

官先將私煎竈戶指名指實申來以憑照  
例問罪。每月終具不致容隱竈丁私煎結  
狀呈繳。若場官似前不行舉報者。事發  
坐贓總催隣佑知而不舉者。事發連坐八

曰禁通同

鹽徒之所以往來縱橫恣意與  
販如取故物者。巡鹽巡捕官員

又豈不知亦各利其常例而不禁甚者縱  
其下人與之交通乃從而分其所得者又  
有出給批票與其弟姪軍旗公然興販而  
無所忌者。追原其情甚可痛惡。今後各官  
俱宜省改。以圖自新。鹽徒生發即便擒拏  
到官。追究收買何人私鹽。經過何處地方。  
何人受財賣放。何人受財指引。取具供招。  
申呈本院詳奪。如若仍舊不職。事發決不  
輕九曰嚴緝捕  
巡訪得巡鹽巡捕備倭守禦  
縱巡司等官往往不行用心

巡緝鹽徒。坐費廩祿。及至上司督責。無可  
諉罪。動曰。鹽徒出沒。莫可蹤跡。然鹽徒往  
來。不過水陸二途。其在江河。必有灣泊之  
處。在陸路。必有窩歇之家。若肯用心擒捕。  
亦不甚難爲力。今後各官遇鹽徒船隻灣  
泊。卽差官兵擒拏。不得容留灣泊。如鹽徒  
陸路駝載鹽斤。卽遣數人潛隨其後。窮其  
所往。探知停歇何處。卽回報官司。統衆擒  
捕。縱使鹽徒一時雖逃。而窩家捧頭人等。  
可以就擒。以此行之。似不爲迂。其沿江沿  
海衙門。每月終具不致容留私鹽船隻灣  
泊結狀。同私鹽起數。一併呈繳。近訪得各  
處大夥鹽徒。在於呂四。餘東。餘中。餘西。富  
安。安豐。臨洪。板浦。徐瀆等場。安東。張家店。  
白溝。關王廟。新溝。支家河。及清口。老河口。  
洪澤。驛響水。溝等處地方。聚衆興販。略無

忌憚。甚至劫財殺人。爲害不可勝計。除行各衛所嚴督官軍。務在得獲。敢有似前玩愒。以致賊風滋蔓。擾害地方者。該管官員。提問不恕。十曰核功過。屬所官員。其用心不無勤怠之分。而本院考校。亦有賢否之辯。今後軍衛有司。巡鹽巡捕官員。置立循環文簿。送院用印。鈐蓋每月終。將有無拏獲私鹽。捉獲鹽犯。填註本院。仍置文簿註記。以爲薦舉賞罰官員之地。如有巡獲大夥鹽徒。撐駕船隻。驢馱至二千斤以上者。照例給賞三分之一。如貪污不職。及玩愒廢事。查照本院先年舊規。府衛官兩箇月之規。州縣及守禦衝要巡檢司。三箇月之上。全無鹽犯申報。及有而鹽斤不多者。行提該吏究治。各衙門通至四箇月之上。全無者。察訪實跡。叅究提問。

十一曰除姦惡

狼莠不除嘉禾之害惡類不剪良善之災訪得各場

有等無藉光棍號爲長布衫趕船虎好漢并罷閑吏役及義民人等作爲捧頭名色在於各場中或欺騙商竈或打攪鄉村或教唆詞訟或陷害官吏苟可得利罔不爲之若不痛加祛除不無長姦縱惡仰各分司官及各場官明白曉諭使之斂跡如有恃頑不改前過者指名指實申呈本院照例問發

十二曰慎查盤

訪得淮北商人場下運載引鹽赴安東巡檢司上堆聽候報數搭單前此分司官不行到彼查盤所以巡司官吏通同商人隱匿無引鹽包在內以圖俟便乘風走水今後分司官務要巡歷到彼嚴督巡司官吏人等前去各商堆鹽處所查盤見堆搭單

引鹽數目俱要鹽引相同若見在數目與搭單數目不同就便追究下落敢有仍前隱匿無引鹽包在內以圖作弊者商人地主一體治罪十三曰恤鹽商各商人以鹽利爲生理邊圉資商人以充實大約今之鹽政如人一身邊圉其頭目也竈丁其血氣也商人其手足也血氣流通而後手足便利夫唯便利也而後可以爲頭目之捍知所以恤竈丁而不知所以恤商人是束縛其手足而欲其捍頭目也惡在其爲計之得乎訪得商人齎納糧草赴邊有道途之費有勸借之費有賣窩之費有分搭之費積而算之所費不貲及至下場支鹽索要其分例者有貪婪之吏胥有豪惡之棒頭有老引之光棍有積年之兵快偷爬漏包益已私鹽者有強梁



之船戶。勒要偏手。哄騙資本者。有狡猾之經紀。以致商人往往告稱虧折資本。鹽法不通。夫國家之召商。非征商也。利商以足邊也。而今乃爲是病商者哉。今後商人如有吏胥。棒頭兵快。經紀人等。索要財物。船戶倚有官鹽夾帶私鹽。及樓爬漏包等弊者。徑赴本院。十四曰。謹徵收。恤催徵收。陳告以憑拏問。照依原降木桶徵收本色。不許拆收銀錢。以便侵欺。私置篾籬。以漁羨餘。照舊續完者。給與木籌完足者。卽與填註。厥經給票執照。該場官取具各總催。不致折收銀錢。及私置篾籬。十五曰。禁高價。鹽利雖所以甘結呈遞。爲邊儲之備。

亦所以爲民食之資。要在官民兩便。上下俱足。斯爲鹽法疏通。看得近年以來。民間

鹽價騰貴。雖緣秤掣之遲。亦緣各商圖博厚利。將已掣鹽斤。堆垛所在。坐待高價。然後發賣。除行委官督責發賣。不許堆垛外。各商務要遵守。卽行發賣。如違究治。

### 戒商九事

#### 一曰戒貪緣

按商人雖巧於射利。而實拙於

守分。往往用財饋送。勢要以求囑託。及至官司公道。自不容掩。誰肯壞法。任人驅使。使利歸於人。而已乃受不韙之名耶。嗟爾商人。始欲得利。而卒反得害。計誠拙矣。今後切宜

#### 二曰戒鬭訟

商人輻輳市井。非但深戒

而利之所在。互相爭競。往往因而鬭毆爭訟。甚至破家亡身。及至追悔。已無及矣。其

各戒

#### 三曰戒華居室

今制限庶人房。不過三間。不得爲重拱斗

簷丹漆繪畫與丈

尺椽梁之違例者四曰戒美衣服

今例商賈之家

止穿絹布不得僭用紵絲綾羅婦女許用

紫綠桃紅及諸淺淡顏色毋服大紅鴉青

金繡錦綺雲

五曰戒飾器具

今制庶民酒盞用銀餘器

鳳花鳥之屬止皆銅錫漆不得為渾金象牙彫花細

累女子頭飾止許金鍍凡翡翠珍寶瑪瑙

玳瑁金玉之奇

六曰戒多僕妾

度貲以稱事比類以

旌能妻妾不二而淫亂之徒化僕從不五

而力本之人多籍遠而冒射者治其流藏

虛而矯飾

七曰戒侈婚嫁

揚俗尚浮至婚禮類夷道者商

者發其詐始也今于幣聘止於紵絹茶菓必從儉素

往送止許衾褥奩具勿為華美嚴治戒焉

八曰戒違葬祭

按商多他省親死艱歸乃暴風日付水火或一殯之

費傾貲取勝謂之何哉今與定期死或半歲則促歸踰期不舉治以不孝有便葬者聽仍導以禮葬惟明器旌布祭惟果肴醢醢其餘緇黃不經一切浮靡者咸痛革之

九曰戒盛宴會

淮商聚會雖四時小醺聲妓珍羞務窮奢泰固有前

極豐盈而終餓溝壑者傷理敗化莫甚焉茲與之限每會羹果不過數品酒數行其餘婚嫁則

少倍之

# 鹽政志卷之十終

讀鹽政志敘

兩崖朱公按鹽于淮也君子  
曰獨鹽也乎哉其政良政也  
公爲志以志政也君子曰獨  
淮也乎哉其志良志也夫鹽  
之有算也自管仲以來莫之  
有廢也所以佐本賦而裕邦

費寔贏者利也夫利民之所  
緼也利生則競生競生則亂  
生是故法也者所以軌度其  
衆以阜其利者也夫唯法久  
而服聽玩也故商無良將姦  
法而市吏以自封也吏無良  
將姦法而漁商以自售也上

贏以補百姓之乏法亦若是  
已矣厥初散斂之方準乎盈  
縮豐約之節隨乎登耗以法  
制利不以利姦法國紓其用  
商操其奇民資其食未始不  
善也夫何法令旣斁姦利日  
滋于是乎有竊販者矣弊在

齊民于是乎有占中者矣弊  
乃在勢要于是乎有鬻窩者  
矣則俛然而濡其迹者又非  
但齊民而已也勢要而已也  
是故始引鹽米二斗有奇而  
後則五倍之而猶未已始惟  
商中之而後則貴人巨室私



始或以徵故或以存恩或以  
稽衆或以考惠或以彰勸或  
以謹防眩綜條貫品式具存  
政之紀也將在是矣而又本  
之以誠存之以公坐之以寬  
持之以恕終之以義政之大  
也經世之制也是故可以裕

國可以阜民可以貞度可以  
興行是志也後之人庶曰其  
承若前之大章以長監於世  
其及也不已多乎詩曰我躬  
不閱皇恤我後偷已廬州府  
知府蘄水周瑯頓首書

鹽政志後敘

嘉靖己丑兩厓朱公奉若

天子命按兩淮鹺法政旣通乃思  
圖厥求乃創志焉乃命克昌  
理厥役采集修飾公叙而定  
之凡爲目八爲卷十秩秩乎  
閱數月而告成矣謂克昌不

可以無言宜識諸後於是乃  
讀而嘆曰茲固公之志也乎  
夫志也者何也所以志志也  
志志也者所以宣心術之運  
順民物之情盡幽明之故以  
通四方之志以爲極焉者也  
天下有弊政而無弊道道也

者法之管也法不立是曰徒  
善政不乂是曰徒法徒法與  
徒善民將易其視而慢之若  
之何其求也公之按淮也剔  
蠹揚紀吏習釐正樹之乎風  
聲章之乎軌則開誠布公體  
仁行恕豈曰條貫品式之具

已哉有道也是故化而裁之  
存乎變推而行之存乎通神  
而明之存乎其人默而成之  
不言而信存乎德行夫德行  
以先之人以舉之通以達之  
變以權之四者備而政無留  
良矣是故可以垂永可以監

世謂非公之志與哉斯志也  
綱舉目張始終條理莫不畢  
備博而要約而罔遺克昌雖  
與有事焉而體裁要矩胥命  
於公云揚州府儒學教授仁  
和陳克昌頓首拜書